

Red Palm Weevil (Sequel)



Hopi tempo mi no a skirbi di e insecto devastadora aki. Pero no worry, nan ta multiplicando net awor cu tur hende ta namorando e Palmanan di dadel cu bo ta mira ta wordo planta tur caminda.

Aña pasa nos tabata anfitrión di Nathan Herrick di Center for Biological Control, Florida A&M University, Tallahassee, FL USA cu a bin pa haci un studio di Red

Palm Weevil (*Rhynchophorus ferrugineus*), particularmente pa evalua e situacion. Pakico Merca lo manda hende te aki nan? No pa yuda nos sin mas, si no pa mira ki consecuencia e tin pa Merca mes. Na Florida tin miles di Palma y en special palma di dadel cu ta den landscaping public y hardinnan priva, mas miles y miles den cultivo. Ademá California tin un cul-

tiva e palma aki pa su frutanan. Balora na US\$230,000,000.00 pa aña. Como ta difícil pone aki tur locual Dr. Nathan Herrick a publica, mi ta bay pone loka ta importante pa nos aki na Aruba. Pa cuminsa, pa menciona, e insecto aki a bin pa Corsou prome, door di importacion di Palmanan di Egipto cu ta infecta cu e bes-tianan aki. Djey un desaroyando di cas na Aruba a trece palman-

an di un kweek-erij di Corsou pa Aruba un par di aña pasa. Rapi-damente e insecto aki a cuminsa plama manera un "candela di mondi den tempo seco". Desde e prome atake cu nos a ripara ariba Aruba, nos a cuminsa alerta LVV y e publico en general, y tambe marcando su grado di infestacion via di Google earth, Problema grandi di e insecto aki ta cu ora e la caba di drenta e palma via di cu e adulto femenino ta deposita su 300 y pico webonan den un herida (y no ta difícil pa haya un herida, ya cu tin miyones di entrada via di e corta nan di e ramanan) e larvanan. Una bes nan sali di e webo, nan ta come nan caminda bay den e tronco, pa bira gordo y grandi, pa despues evoluanan nan mas den un adulto, via di un asina yama coco of pupa. Na e estado aki ya ta laat caba. Nan a destrui e estructura di e curason di e palma y ora ta laat e ta manifesta su mes den un palma cu blachi tumba y un palma sin scapatorio. Awor ta asina cu e insecto aki a cuminsa ataca Palma dactilifera, esunnan cu ta produci datil. Pero awor e la bula pa otro sorto di palma cu ta e Bismarckia bunita, e dwarf Robellini palm, Washingtonia y otro palmanan. Na India nan ta conoci pa ataca e pali coco cu danki na nos creador nan no a cuminsa ataca ainda na Aruba. Poniendo trampa pa nos clientenan y nos mes, LVV a

sigui den e lucha aki yudando e estudionan di Dr. Herrick. Conclusion di e studio di Dr. Herrick ta cu e especie *Rhynchophorus ferrugineus* ta e unico especie cu tin aki na Aruba. Sin embargo durante e ultimo añanan a actividad ni a aumenta ni a reduci. Un di e conclusionnan ta cu nan ta mas activo den e lunanan di October te na Januari, e lunanan mas humedo of mas fresco na nos isla. Merca ta sumamente miedo pa e insecto aki pasa pa nan. Un di e peligro mas grandi ta pa legislacion keda afo. Mi ta puntra mi mes ki dia Gobierno ta bay traha riba e asunto aki, awor cu nan tin un inversion basta grandi na palmanan datilera. No solo nos gobierno mester bin cu legislacion pero e gobierno di Corsou tambe mester envolbe su mes den e guerra contra e special genero *Rhynchophorus* cu tin mas primo ta ataca palmanan. Den e simannan venidero Fantastic Gardens lo tene otro lectura di con por yuda preveni e insecto aki ataca nos palmanan. Fabor keda pendiente. Tambe por laga nos sa via di e dos e-mailnan aki.

floreceuroy@yahoo.com
fantastic.gardens.aruba@gmail.com
www.fantasticgardensaruba.com